

17 JAN 1996

DR MAHATHIR UCAP SELAMAT JALAN KEPADA KEATING

KUALA LUMPUR, 17 Jan (Bernama) -- Perdana Menteri Datuk Seri Dr Mahathir Mohamad dan isteri Datin Seri Dr Siti Hasmah Mohd Ali hari ini mengucapkan selamat perpisahan kepada Perdana Menteri Australia Paul Keating dan isterinya Anita di Hotel Regent di sini.

Pemimpin Australia itu mengakhiri lawatan rasminya selama tiga hari ke Malaysia hari ini dan akan berlepas ke Singapura.

Keating mengadakan rundingan dengan Dr Mahathir dan Timbalan Perdana Menteri Datuk Seri Anwar Ibrahim.

Pemimpin Australia itu juga menyaksikan penandatanganan satu Memorandum Persefahaman mengenai Pendidikan antara kedua-dua kerajaan dan berucap pada Forum Perniagaan Malaysia-Australia.

Keating dan isterinya juga menghadap Yang di-Pertuan Agong Tuanku Ja'afar dan Raja Permaisuri Agong Tuanku Najihah. -- BERNAMA